

La doturia Grete Mahlknecht é demez en jöbia y en vëndres ai 18 y ai 19 d'aurí. Ara vëgn sostituida dal dott. Letterio Taormina, che é en jöbia dales 16.00 – 18.00 a La Val y en vëndres dales 10.00 – 13.00 a La Ila (Bosch da Plan) 340 32 28 655.

SAN MARTIN Y LUNGIARÜ

Invit ala ora de Oraziun da Taizé sö Öies en Vëndres Sanc dales 20.00.

En Pasca do mëssa é la Uniun dles Ères che vënn röses sön plaza de dljia aderin al'aziun "Na rösa por la vita- daidé por daidé" dla Südtiroler Krebshilfe.

Al vëgn recordé che la festa dla Pröma Comuniun é a San Martin ai 12 de ma y a Lungiarü ai 26 de ma. La confermaziun é a Lungiarü ai 19 de ma. La festa di maridá iubilars é te trami i paisc ai 20 d'otober y la festa dla racoiüda ai 27 d'otober.

Invit al iade da Padre Pio dala Val Badia demez che pëia ia la sabeda, 27 d'aurí, dales 4.00 da doman da Corvara por rové a San Giovanni Rotondo, olach'an stará cina en dedolönesc, 30 d'aurí. Informaziuns y prenotaziuns 0474 520 013.

Le KVV inviëia vëdues, vëdui y porsones sores ai 22 d'aurí, lönesc de Pasca, al peregrinaje a "San Martino di Schio (VI)" tla dljia dl "Cenacolo dell' Amore". I piun ia da San Laurënz dales 07.45. Le iade cun marëna costa 40 euro. Prenotesse cina ai 16 d'aurí pro le KVV 0474 411149 o pro osta surastanta.

LUNGIARÜ

La Uniun di Èi da Lungiarü mët a jí n marcé de patüc de secunda man por mituns, la domënia ai 28 d'aurí dales 9.00 - 15.30 tla palestra a Lungiarü. Chi che á val da vëne pó se prenoté al nr. 340 32 42 376 (18.00 - 21.00) o al nr. 380 51 45 840 (10.00 - 13.00) cina ai 20 d'aurí. Düc é bel inviá!

Invit al concert de Meditaziun dan la Crusc" incö domënia, 14 d'aurí, dales 16.30, tla basilica da Neustift cun le cor di èi da Neustift y d'atri.

Le Cor Kyrios y le Vinzentiner Knabenchor inviëia a so concert incö domënia (14/04) dales 18.00 tl Vinzentinum y en mercui (17.04) dales 20.00 a La Ila.

Le Cor Flat Caps da Balsan y le Cor de dljia da S. Cristina cun orchestra inviëia al concert en Pasca, ai 21 d'aurí, dales 20.00 tla dljia de Santa Cristina cun musighes scandinaves, danter l'ater "Missa popularis" de Marten Jansson

En Lönesc de Pasca (22/04) inviëia la Uniun Ladins Val Badia ala Matinée Culturala: dales 11.00 inant dan l'Istitut Ladin. Le grup de Max Castlunger Jemm Music Project presentará süa CD nöia. Intrategnimënt por mituns cun Silvia Liotto y archirida de üs. Bufé de liagnes blances y marcé de libri.

Döt le bun
a Sepl Frenes da Preroman che complësc 80 agn ai 22 d'aurí
(gnü lascé fora adinfal tla plata nr. 18)



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

14.04. – 21.04.19 nr. 20

ultimo termo por comunicaziuns: jöbia dales 20.00
radio: 90,40 / 93,70

DOMËNIA DL ORÍ - C

Vangele do Lüca 19,28-40

Ai scraiâ: Benedí sides le re che vëgn tl inom dl Signur.
*L'ingres de Gejú tla gran cité de Ierusalem vëgn festejé,
mo defata vëgnel imbaní, tralascé dai sù y metü söla crusc.
Les rames d'orí ch'i tignun sides sègns d'amur, de fedelté
y de nosta orenté da ti jí do ince canch'al n'é datrai nia saurí....*



JÖBIA SANTA

Vangele do Jan 13,1-15

Tan gonot ch'i mangëis de chësc pan y ch'i boiëis
fora de chësc caresc, incundëise la mort dl Signur
cina ch'al vëgn. – dij l'apostul Paul.



*En chësta sëra recordunse l'ultimo past de Gejú cun sù amisc.
Chësc past nes ál racomané da tigní sciöche festa, y ti lavan
i pïsc nes ál lascé n ejëmpl sciöch'i dessun incunté i atri.*

VËNDRES SANC

Vangele do Jan 18,1-19,42

Mo ai scraiâ: Mëtele söla crusc, mëtele söla crusc!
*La liturgia dl Vëndres Sanc mët man tl chît y se röia tl chît,
deache ci che é sozedü da laota incá tla storia dl monn cina
incö danter nos nes lascia gonot zënza parores.
Imbaní, tralascé, descredité, desconesciü, martorjé y inultima
copé, chëstes é les ultimes ores de chël chestian, tres chël
che Idí nes á mostré so amur.*



SABEDA SANTA

Vangele do Lüca 24,1-12

.... Al n'é nia chiló, al é ressorí.

*Tla nôt scöra do la mort de Gejú, mo ince tla nôt de nostes
tëmes y meseries, lomina ite le fûch de Pasca. Pro chësc fûch
vëgnel impié la ciandëra da Pasca y condüta ite tla dljia scöra:
Gejú ressorí, la löm dl monn, lomina ince te nosc scür.
Lominus, ega, vita y le pan rumpí é i sègns de chësta Nôt Santa.*



	SAN MARTIN	LUNGIARÜ	UNITÉ PASTORALE  VAL BADIA Vire la Carsëma: Domënia dl Orí <i>Vangele do Lüca 19,28-40</i> <i>Ciodí ...? Le Signur l'adora.</i> Impuls: S'afidunse deplëgn tl Signur, por odëi le bel da vire la fede? I toli pert ales funziuns dl'Edema Santa.  En la Domënia dl Orí mët man la storia de Gejú da s'aspizé pro. Al vëgn festejë so ingres te Ierusalem, na cité che é deplü co na cité, al é la curt olach'an pó bele sintí le cil. Mo ci che scomëncia la Domënia dl Orí ne capiunse nia dër. Döt sozed te n gran mister da n significat dër sot che nes é ciamó ascognü. Canche Idî operëia, podunse bëgn ponsé do, mo i messun ince odëi ite che nosc ciorvel ne capësc indínenia döt.
14.04.19 DOMËNIA DL ORÍ - C	10.00 Benedisciun dl orí y Ingres Pasciun do S. Lüca y Eucaristia	8.15 Benedisciun dl orí y Ingres Pasciun do S. Lüca y Eucaristia	
15.04.19 Lönesc <i>Teodor, Dionise</i>		16.30 Les Staziuns	
16.04.19 Dedolönesc <i>Bernardetta, Benedët</i>	19.30 Mëssa 3 ^a de sopoltöra de + Pire Ploner de rengraz. fam. Franz Zingerle	7.30 Zelebrazium dl Parora de Dî	
17.04.19 Dedemesaledema <i>Rudolf, Elia</i>	18.00 Les Staziuns	7.30 Mëssa + Vito Clara por les Animes	
18.04.19 Jöbia Santa EUCARISTIA <i>Sabina, Anastasia</i>	19.00 In coena Domini: Mëssa cun lavanda di pîsc ai comunicanc dl ann + Robert Chiesa + + Loise Videsott (dl ann) Ora santa dl'Angonia dl Signur	21.00 In coena Domini: Mëssa cun lavanda di pîsc ai comunicanc + Franz Pezzei, Ghestan Ora santa dl'Angonia dl Signur	
19.04.19 Vëndres Sanc PASCIUN Y MORT <i>Leo, Werner</i> Jaiun y astinënza	14.30 Pasciun y Mort de nosc Signur (rapresent. sacra da pert di Cresimanc) Adoraziun dla Crusc Supliches y Comuniun Oferta Misereor	8.00 Ora d'adoraziun 9.00 Ora d'adoraziun por i mituns 16.30 Pasciun y Mort de nosc Signur (rapresent. sacra da pert di Cresimanc) Adoraziun dla Crusc Supliches y Comuniun Oferta Misereor	
20.04.19 Sabeda Santa NÖT DE PASCA <i>Sara, Odeta</i>	8.00 Ora d'adoraziun 9.00 Ora d'adoraziun por i mituns 15.30 Mëssa tla Ciasa de Palsa 21.00 Festa dla Nöt de Pasca Liturgia dla löm, Letöres, Gloria, Vangele, Impormetüdes dl Bato Eucaristia	8.00 Ora d'adoraziun 9.00 Ora d'adoraziun por i mituns 19.00 Festa dla Nöt de Pasca Liturgia dla löm, Letöres, Gloria, Vangele, Impormetüdes dl Bato Eucaristia	
21.04.19 DOMËNIA DE PASCA	10.00 Mëssa solëna de Pasca y benedisciun dl signé 18.00 Öspi da Pasca	8.15 Mëssa solëna de Pasca y benedisciun dl signé 14.30 Öspi da Pasca	